

Na osnovu člana 16. stav (1) i člana 17. stav (2) Zakona o Vladi Hercegovačko-neretvanskog kantona („Službene novine HNK“, broj: 3/07 i 5/09), a u vezi s članom 68. stav (1) i (2) Zakona o radu („Službene novine F BiH“, broj: 26/16) i članom 25. stav (5) Zakona o zaštiti porodice s djecom („Službene novine HNK“, broj: 7/17), Vlada Hercegovačko-neretvanskog kantona je na 60. sjednici, održanoj 25.10.2017. godine, donijela

O D L U K U
O UTVRĐIVANJU PRAVA NA NAKNADU PLAĆE I VISINI NAKNADE
ŽENI-MAJCI U RADNOM ODNOSU KOD KORISNIKA BUDŽETA HNK
ZA VRIJEME PORODILJSKOG ODSUSTVA
KOJA SE ISPLAĆUJE IZ BUDŽETA HNK

I

Utvrdjuje se pravo na naknadu i visina naknade ženi-majci za vrijeme porodiljskog odsustva koja se isplaćuje iz Budžeta HNK, zaposlenoj u organima vlasti, organima uprave i ostalim korisnicima Budžeta HNK (u daljem tekstu: poslodavac).

II

(1) Žena-majka iz tačke I ove Odluke za vrijeme porodiljskog odsustva ima pravo na naknadu plaće u ukupnom iznosu 80% plaće koju je ostvarila u mjesecu prije stupanja na porodiljsko odsustvo.

(2) Poslodavac je obavezan podnijeti zahtjev za refundaciju sredstava nadležnom centru za socijalni rad, u skladu s članom 39. stav (3) Zakona o zaštiti porodice s djecom („Službene novine HNK“, broj: 7/17).

III

(1) O pravu i visini naknade iz stava (1) tačke II ove Odluke poslodavac donosi rješenje.

(2) Rješenje iz stava (1) ove tačke sadrži:

- a) lične podatke korisnika prava;
- b) naziv radnog mjesta;
- c) visinu naknade plaće;
- d) datum nastanka i vrijeme trajanja prava.

IV

Za obračun i isplatu naknade plaće iz tačke I ove Odluke nadležni su poslodavac i Ministarstvo finansija.

V

Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

Bosna i Hercegovina
Federacija Bosne i Hercegovine
HERCEGOVAČKO-NERETVANSKI KANTON
V L A D A

Broj: 01- 102-2350 /17
Mostar, 25.10.2017. godine

